



REPUBLIKA E KOSOVËS
REPUBLIKA KOSOVA/ REPUBLIC OF KOSOVO
KOMUNA E GJAKOVËS
OPŠTINA DJAKOVICA/MUNICIPALITY OF GJAKOVA



01nr 112102-46022
Dt: 29.08.2025

Kryetari i Komunës së Gjakovës, duke u bazuar në nenin 13 dhe 58 të Ligjit Nr. 03/L-040 për Vetëqeverisjen Lokale, dispozitat të Ligjit Nr. 03/L-164 për Financimin e Programeve të Veçanta të Banimit si dhe nenit 44 të Ligjit Nr.05/L-031 për Procedurën e Përgjithshme Administrative, duke vendosur lidhur me themelimin e Komisionit Vlerësues për Shprehjen e Interesit – Aplikacionet – për nën-projektin “Renovimi/Rindërtimi i Shtëpive Private për Familjet apo Individët e Cenueshëm”, në kuadër të Projektit të Banimit Social Adekuat, me datë 29.08.2025, merr këtë:

V E N D I M

1. Themelohet Komisioni Vlerësues për verifikim dhe vlerësim të Shprehjes së Interesit – Aplikacioneve – për nën-projektin ‘Renovimi/Rindërtimi i Shtëpive Private për Familjet apo Individët e Cenueshëm’, në kuadër të obligimeve të Komunës për përzgjedhjen pa diskriminim të përfituesve përfundimtar si një parim themelor i implementimin të Projektit të Banimit Social Adekuat përmes nën-projekteve, në këtë përbërje:
 1. Behar Mehmeti – kryesues
 2. Leon Koburja – anëtar
 3. Devoll Kerleshi – anëtar
 4. Mirlinda Morina – anëtare
 5. Rozafat Hoxha – anëtar
2. Komisioni i përshkruar si në pikën e parë (1) të këtij vendimi, duhet të ndërmerr veprime konform dispozitave ligjore në fuqi, për verifikim dhe vlerësim të Shprehjes së Interesit – Aplikacioneve – për nën-projektin ‘Renovimi/Rindërtimi i Shtëpive Private për Familjet apo Individët e Cenueshëm’, janë:
 - 2.1. Krijimi i bazës së të dhënave nga aplikacionet e pranuar, ku përfshihen numri i kërkesave për renovim dhe rindërtim të shtëpive private, numri i familjeve, individëve, struktura gjinore, gjendja e shtëpive, infrastrukturës dhe të dhënat tjera relevante të kërkuara për t’u bartur në Formularin e Aplikimit për nën-projektin “renovimi i shtëpive private për familje apo individët e cenueshëm” në kuadër të Projektit “banimi social adekuat” në Kosovë.
 - 2.2. Verifikimi i gjendjes ekonomike për familjet/individët që kanë shprehur interesin për renovim / rindërtim të shtëpive private, duke përfshirë shqyrtimin e Formës së kërkesës dhe dokumentacionin e nevojshëm (shtojca 1 dhe shtojca 2), si dhe verifikimin dhe

vlerësimin në terren të familjes dhe gjendjes aktuale-fizike të shtëpisë për renovim / rindërtim.

- 2.3. Komisioni Vlerësues është i detyruar të zbatojë kriteret e përcaktuara të poentimit dhe radhës së përparësisë të bashkëngjitura si shtojcë në këtë vendim (shtojca 4).
- 2.4. Mosdiskriminimi gjatë përzgjedhjes së Përfituesve Përfundimtarë duhet të jetë një parim themelor në fillimin dhe implementimin e Projektit përmes nën-projektit për Renovim/Rindërtim të Shtëpive Private, me prioritizim të familjeve më të cenueshme si kategori të varfra apo ekstrem të varfra, me marrjen e masave specifike për të siguruar respektimin e këtij parimi.
- 2.5. Konsideratat gjinore duhet të përfshihen nga fillimi, hartimin dhe zbatimi i projektit, me konsideratë të veçantë në: dhënien përparësi ekonomive familjare të udhëhequra nga gratë dhe grave beqare, dhe veçanërisht grave viktime të dhunës seksuale ose në familje, në përzgjedhjen e Përfituesve Përfundimtarë në Komunë, si dhe kërkesa që dokumentet e qëndrimit (vërtetimi i pronësisë) të jenë (vetëm ose gjithashtu) në emër të grave.
- 2.6. Pas përfundimit të verifikimit dhe vlerësimit, Komisioni Vlerësues përgatitë raportin përfundimtarë dhe dorëzon Formularin e Aplikimit me dokumentacionin përcjellës pranë Njësitit të Menaxhimit të Projektit (NjMP) të Banimit Social Adekuat në kuadër të Ministrisë së Mjedisit, Planifikimit Hapësinor dhe Infrastrukturës (MMPHI) dhe vetëm pas miratimit të kërkesave dhe buxhetit nga NjMP/MMPHI, Komisioni Vlerësues është i obliguar të njoftojë familjen/individin për rezultatet.

3. Ky vendim hyn në fuqi menjëherë pas nënshkrimit nga Kryetari i Komunës.

Vendimi i'u dorëzohet:

- Zyrës së Kryetarit të Komunës
- Të gjithë anëtarëve
- Arkivit.

Ardian Gjini

Kryetar i Komunës së Gjakovës

